



Central University of
Technology, Free State

Ho tswa ofising ya Motlatsatjhanselara/Hlooho

MOLAETSA HO SETJHABA SA CUT

DIPHETOHO TSE NTJHA TSA COVID-19: HO TLHOHA KGATONG YA 5 HO YA KGATONG YA 4

24 MMESA 2020

Setjhaba se ratehang sa CUT

2020 #12

Phokotso ya kotsi ya COVID-19 e se e tla ba tsela e ntjha ya ho phela. Ka la 23 Mmesa 2020, Moporesidente Cyril Ramaphosa o phatlaladitse qeto ya ho bula moruo wa naha ka mora hore a re tlose kgatong ya bohloko ya kgino ya ditshebeletso ho re isa ho ya bone e tla kenywa tshebetsong ka la 1 Motsheanong 2020. Re tla totobatsa tsela eo qeto ena e tla amang lekala la thuto e phahameng matsatsing a latelang. Re ntse re shebisana le bankakarolo bohle ba amehang ho fumana tsela ya sebele ya tshebetsong mme re tla le fa dintlha tse felletseng haufinyana.

Re sa ntse re le motjheng wa ho fana ka dithuto ka marangrang a thekenoloji. Jwalo ka ha ke boletse, re tla sebedisa dibeke tse pedi tse qalang e le nako ya ho tlwaetsa baithuti le basebetsi mokgwa ona wa tshebetsong, ka hoo, baithuti ba ke ke ba ngodiswa diteko nakong ena. Ha ho le jwalo, rona re tla be re ntse re nnetefatsa hore baithuti ba abelwa disebediswa tsa ileketeroniki, datha le ditataiso tsa dithuto hore re thakgole tshebetsong e phethahetseng ka la 4 Motsheanong 2020. Ke hoketse kgutsufatso ya tataiso ya baithuti e mabapi le ho rutwa ka mokgwa wa thekenoloji e le **Sehlomathiso sa A**.

Ke batla ho nnefalletsa baithuti mmoho le bankakarolo ba rona hore ha ho moithuti ya tla sallang morao dithutong ka lebaka la sewa sena. Re elellatswe diphepetso tse tswalwang ke ho ruta le ho rutwa ka tsela ya thekenoloji; re lemohile le hore ba bang ba barupedi ba rona ha ba so tlwaele mokgwa ona wa thupelo. Batlatsi ba Motlatsatjhanselara le Rejisetara ba se tsebisitse basebetsi ka mekgwa e fapafapaneng ya tshehetso, e akgang e latelang:

- ❖ Ho tshehetsa basebetsi le baithuti ka malebela a ho ruta le ho rutwa ka marangrang a thekenoloji ho nnetefatsa hore dithuto ditswela pele ntle le tshetiso.
- ❖ Mothathing ona, re sebedisitse R4, 972 000 ho rekela baithuti le basebetsi disebediswa tse tla ba tshehetsang.
- ❖ Re sebedisitse R2,128 000 ho reka dibantlele tsa datha tse 21 500 tsa boleng ba 30 ho ya ho 40GB (ho ya ka dineteweke tse fapafapaneng), tse ka sebediswang matsatsi a 30 mme di tla abelwa baithuti le basebetsi. Ho feta mona, re fumane le ditshebeletso tsa datha ya mahala disaeteng tse itseng tsa CUT. Motlatsi wa Motlatsatjhanselara Ditshebeletsong, o tla fana ka lesedi le batsi. Ntlha e nngwe ke hore re sa ntse re sebeletsa ho fumana tshehetso ya moshwelella ya datha.
- ❖ Tshehetso ya ditjhelete ho tswa Letloleng la CUT COVID-19.
- ❖ Ho tswelapele ka ditefo tsa NSFAS.
- ❖ Ho latela metjha ya polokeho ditshebeletsong tsa khempase.

Ha re ntse re bontshana le ho kenya tshebetsong metjha yohle ho nnetefatsa hore o itekanetse mmeleng le dithutong, re o kgothalletsa hore o phele ha ntle le kelellong. Se ke wa ngongorehiswa ke ho dula o le ka tlung. Hopola hore o ntse o ka kgona ho buisana le batho ntle le ho bonana le bona. Tswelapele o ikgokahanye le CUT *Wellness Centre*, *CareWays* kapa metswalle le baleloko ka mohala le ka mekgwa e meng ya ileketeroniki. Re hloka ho tshehetsana haholo nakong ena mme re arelane maele a ho tobana le bothata bona.

Maemo ana a bakile mathata mme Batsamaisi ba lla le bohle ba imetsweng. Le ha ho le jwalo, ha re fele matla, re dumela hore phepetso ena e tla tiisa e boele e ahe setjhaba sa CUT esita le baahi ba naha ya rona ka kakaretso. Ha re ikaheng ka maele a reng *matlo ho tjha mabapi*. Itlhokomele mme o ipoloke!

Prof. Henk de Jager

Vice-Chancellor and Principal